



ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ  
ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ  
ՎԵՐԱՊԱՏՐԱՍՏՄԱՆ ԴԱՍԸՆԹԱՑՆԵՐ

**Ջետազոտական աշխատանք հայ գրականությունից**

*Ճահան Ճահնուրի պատմվածքների ուսուցումը ավագ դպրոցում*

Կատարող՝ Օվսանա Լևոնի Ղարիբյան

Ղեկավար՝ բանասիրական գիտությունների դոկտոր, պրոֆեսոր Սուրեն  
Դանիելյան

# ՆԵՐԱՆՈՒԹՅՈՒՆ

Չետագրտության նպատակը - կատարել ճահան ճահնուրի պատմվածքների համեմատական վերլուծություն, վերլուծել կերպարները համաժամանակյա և տարաժամանակյա կտրվածքով, կարողանալ ընդգծել պատմվածքների արդիականությունը, զարգացնել սովորողների մոտ կերպարները վերլուծելու և զարգացնելու կարողությունը:

Ճահան ճահնուրը (Ճահնուր Թերեսքեճյան) սփյուռքահայ գրականության սկզբնավորողներից և ականավոր դեմքերից մեկն է:

Չեչտ չի եղել ճահնուրի գեղարվեստական-հրապարակախոսական որքան բարդ, այնքան էլ հակասական ժառանգության գնահատումը: Նա ինքը հասկանում էր, իր նկատմամբ ներողամտություն չէ ցուցաբերվելու, քանի որ լինելով քչերից մեկը, փորձում էր բուն իրականությունից *ավելի արագընթաց դառնալ* թե իր դատողություններում, թե գնահատումներում.<<**Ուզեցի զգալ հովեն արագ,ուզեցի երգել ջուրեն ավելի բարձրաձայն, որովհետև ուզեցի մտածել լույսեն ավելի շուտ և գալարվեցա հրաբխային ընդերքներե ավելի**>>:(Ճ.Ճահնուր, <<Ավագ ուրբաթ>>, Չվարթնոց, N 8 Փարիզ, 1930, էջ 341):

Իր <<Նահանջը առանց երգի>> վեպով նա առաջինն ահազանգեց սփյուռքահայերի ձուլման վտանգի մասին, նույն սթափ հայացքով շարունակեց արժարծել հայության ճակատագրի հարցերը նաև <<Չարալեզներուն դավաճանությունը>> պատմվածքների ժողովածուում:

Ինքը՝ սփյուռքը, բարդ օրգանիզմ է: Թեև շատ հաճախ այդ մեկ հատիկ բառի մեջ ենք ամփոփում բուն հայրենիքից դուրս գտնվող ողջ հայ տարրը, սակայն իրականում այն բազմադեմ է, տարաբնույթ, հաճախ՝ հակասական: Մեկ միասնական տարր չէ սփյուռքը ոչ իր մշակութային ու լեզվական շրջանակներով, ոչ տնտեսական ու կրթական զարգացածության աստիճանով, ոչ քաղաքակրթական մակարդակով, ոչ էլ ազգային խնդիրների իրականացման իր ընտրած ուղիներով: Ահա այս իրողությունների հենքի վրա 20-ական

թվականներին ստեղծվում էր մի գրականություն, որը միատարր չէր.աղետի զավակները ստիպված էին վերանայել կյանքի նկատմամբ իրենց ունեցած պատկերացումները, ինչը նաև <<տարօրինակ>> մեկնությունների էր մղում նրանցից ոմանց:

Եղեռնի ճիրաններից հրաշքով փրկված արևմտահայ գրականության վերջին սերնդի և սփյուռքահայ նոր սերնդի մի շարք գրողներ ազգային փրկության և ինքնահաստատման որոնումներում իրենց հայացքը հառում էին անցյալի ավանդների և արժեքների վերակենդանացման միջոցներին՝ փորձում կորսված եզերքի, խորխորատներում հոսող գետերի ու երկնամերձ լեռների կարոտներով ապրեցնել <<իրենցներին>>: Հիշատակ-երագ կցորդումը այդ գրականության հիմնական եռությունն է: <<Հոն կյանքն իմաստուն էր, և օրերը հարուստ էին...Մարդիկ կապրեին իրարու հետ՝ ներդաշնակ ու խաղաղ...>>,- գրում էր Վ.Շուշանյանը: (<<Ցայգերգ>>,<<Հայրենիք>> *ամսագիր, Բոստոն, 1925, 9 տարի, N 12*):

Ի հակադրումն այն գրողների, ովքեր այդ քաղցր հուշերով էին ապրում,ճահնուրը նախընտրում է համընթաց քայլել օրերի հախուռն խնդիրներին ու հույզերին, մերժում է բողոքի այն հայեցողական ձևը, որ կառուցված էր *հայրենի եզերքի չգոյության վրա՝* փոխարենը առաջադրելով ինքնասթափման ու ուժի գաղափարախոսությունը և <<կաղապար դարձած վիճակից>> շուտափույթ հրաժարումը: <<Սիրել մարդկանց և սիրել հողը>> պատվիրանը , որ կարոտի գրականության հիմնական նշանաբանն էր, մնալով հանդերձ արդիական,այնուամենայնիվ, կյանքի նվազ լիցքեր էր պարունակում:Մերժվածների, հեզերի, խեղճերի կերպավորումները նոր ժամանակներում միայն հուսալքման էին մղում ընթերցողներին, իսկ բարության, ազնվության պատգամները արդեն վաղուց արհամարհված արժեքներ էին աշխարհի աչքին:

Գրականության մեջ զգայականի, երևակայականի փոխարեն ճահան ճահնուրը առաջադրում է *իմացականը*, ինչը արվեստի ճանապարհով պետք է սթափեցման տանի ժողովրդին,ընդ որում նման գրականությունը պետք է ստեղծվի ցնցվելու ու ցնցելու ճանապարհով: <<Կարևորը այն չէ,թե հեղինակը ինչ բան կը դնէ իր ընթերցողին բերնին մեջ-մե՞ղր, թե քացախ, ժպի՞տ թե արցունք,այլ անոնց iosage- ը(խառնուրդը), որ պետք է բերնին մեջ թողու ,վերջ

ի վերջոյ, աղի-լեղի համ մը>>,- գրել է Ճահնուրը Գ.Քեոսեյանին ուղղված իր 15 սեպտեմբերի 1967 թվակիր նամակում: (Ճ.Ճահնուր, <<Նամականի>>, <<Մայրենի>> հրատարակչ., էջ 75):

Ճահնուրը տեսնում էր, որ հայության հավաքականությունը վեր է ածվում անհատների, մարում է այն ուժը, որ վաղվա երգը պետք է հնչեցներ, տեղի են տալիս <<ազգը վեր բռնող>> գործոնները՝ հայ ընտանիքը, հայ լեզուն, հայ նկարագիրը: Ըստ էության սփյուռքահայությունը չէր փրկվել ամենակույ եղեռնից, որն այս անգամ գալիս էր սպիտակ ջարդի՝ այինքն՝ հոգևոր ամլացման տեսքով, ինչը շատ ավելի համատարած էր, քան կարմիր ջարդը և *իր մեջ էր առնում բոլորին ու ամեն ինչ*:

Իսկապես, մի՞թե հոգևոր ձուլումը ավելի սարսափելի չէր իր հետևանքներով, քան ֆիզիկական կործանումը: Վերջինը միշտ էլ ծնում է ընդդիմության ոգի, որը ապրեցնող ազդակ է, միևնչյեռ առաջինը վերջնական մարման է հանգեցնում, որը ամայացնում է ետդարձի բոլոր ուղիները:

Ճահնուրի համար երկրորդական նշանակություն ունեին կյանքի շատ հարցեր, քանի որ ամենքի առջև ծառայել էր գերագույն խնդիրը՝ Նահանջը: ՈՒ նա պիտի գրեր, որ նոր ժամանակներում ոչ թե պատերազմ կա ու կռիվ, այլ <<...կայ բան մը աւելի ճակատագրական, աւելի աններող, կայ բան մը ահեղ, անդիմադրելի, որ իր անունը կըռռնայ բոլոր քառուղիներէն. նահանջ է ան: Նահանջը, նահանջը Յայերուն>>: (Ճ.Ճահնուր, <<Նահանջը առանց երգի>>, Պեյրութ 1981, էջ `123):

Օտարության գիրկը ընկած մարդու համար այլևս դժվար էր դառնում մատնանշել հայրենիքը: Թերևս այն կոչվում էր *այլուր*: Ամեն հայ գաղթական ասես կրկնում էր շահնուրյան խոսքերը՝ <<...կը քալեմ՝ առանց հառաջանալու...կը ծռիմ, կը ծռիմ, կը ծռիմ>>: Այդ գաղթականը առանձնանում է նրանով, որ սփյուռքը նրա համար դառնում էր բնական մի բան, հարազատ մի վայր և ոչ թե ժամանակավոր կացարան. <<Գաղթականը կը ներգաղթէ, Սփիւռքը՝ ոչ: Յոս է մեր ազգային վերքը>>: Ճահնուրն այն համոզմունքն է հայտնում, որ հայ գրողի համար կյանքի ցանկացած ոլորտի մարմնավորում պետք է ուղղված լինի ազգային հատկանիշներ արթնացնելուն. <<Գոյություն չունի , գոյություն պետք չէ ունենա հայուն փրկութենէն դուրս որևէ բան>>,- գրել է նա <<Մենք>> հոդվածում: ԵՎ գրողը երևույթին գեղարվեստական ձև ու մարմին տվեց՝ ստեղծելով հանճարեղ գործեր:

Շ.Շահնուրի փոքրածավալ գործերը ըստ էության վեպում արծարծված մտահոգիչ գաղափարների շարունակությունն են: Ինչպես վեպի պարագայում, այնպես էլ պատմվածքի ժանրում Շահնուրը նկարագրական պատումի փոխարեն բերում է *մտածումի գրականություն*, ստիպում ընթերցողին ոչ միայն ազգային ինքնասիրության վիրավորվածությունն զգալ, այլև խորհել, մտատանջվել ու կասկածի ենթարկել սրբացված շատ արժեքներ: ( Ա.Ավագյան, <<Պատկերազարդ պատմություն Շահան Շահնուրի, էջ 123 >):

Շահնուրի պատմվածքները կարելի է տրոհել երեք մասի՝ Պոլսի կյանքի ընդգրկումներն ու տիպերը՝ դիտված մեղմ երգիծական դիրքերից (<<Առավոտյան շեփոր>>, <<Յոսանքին եզրը>>, <<Մանուկ մը տարեցներուն մեջ>>), խոհական և դատողական խտացումներ արտահայտող ազգային հարցադրումներ (<<Ավագ ուրբաթ>>, <<Պոլսուզլը>>ները>>, <<Յարալեզներուն դավաճանությունը>>), սփյուռքը՝ իր վարընթացով ու նոր դրսևորումներով (<<Չաթոսթե>>, <<Դերձակ մը, իր երկու հյուրերը և զանազան դեպքեր>>, <<Պճեղ մը անուշ սիրտ>>, <<Լյուքսեմբուրգի պահապանը>>):

Իրենց ընդհանրության մեջ Շահնուրի պատմվածքներն այլ բան չեն, եթե ոչ հաստատումը մեր կյանքի սև ու սպիտակ՝ տգեղ ու գեղեցիկ կողմերի և իրենցով փոխանցում են ոչ միայն մի կորուսյալ աշխարհի վարքն ու բարքը, այլև *ինքնաճանաչման* են մղում ընթերցողներին: Պատմվածքների մեծ մասը երգիծական ու ողբերգական իրողություններ պատկերող գործեր են, <<Լա՞ս, թե՞ խնդաս>> հարցման պատասխաններ, որոնք միևնույն ժամանակ թախիծ ու կարոտ են առաջացնում:

<<Պճեղ մը անուշ սիրտ>> պատմվածքը <<Յարալեզներուն դավաճանությունը>> ժողովածուի նախավերջին գործն է: Գրողը սկզբից նեթ իր ընթերցողին առնչում է հայ ճակատագրի ու ազգային ցավի հետ: Պատմվածքի հերոսուհու արտաքին նկարագիրն իր մեջ խտացնում է շատ բան: Չասատամարմին մայրիկի՝ Եպրաքսե հանմի հագուստի ու արտաքինի

գերակշիռ գույնը սևն է՝ սև վերարկու, սև հոնքեր, սև գլխարկ, սև ատամներ և...<<Հատ մըն ալ Հայու սև ճակատագիր>>:

Չնայած այդ մուգ գույներին,Եպրաքե հանմը պայծառ հոգի է, հոգատար մայր և ուրիշի ցավին կարեկից անձնավորություն: Գրողը նրա կերպարը ստեղծելիս յուրահատուկ գեղարվեստական հնարք է օգտագործել:Նա անընդհատ դժգոհ է:Դժգոհ է իր որդիներից, այն երկրից, որտեղ ապրում է, գորզը մաքրելու տեղի բացակայությունից, տրամվայում հանդիպած անծանոթ հայ տղայից, պանդոկապետից, աշխարհի կարգերից ու իր բնական <<գրպանի չափ>> սենյակներից, որ գտնվում են <<աշտարակի պես նեղ տան մը...գագաթը>>, ասել է թե՛ կյանքի ծայրին:Բայց այդ դժգոհությունների հիշատակումներում ու բնութագրումներում Եպրաքեսն միևնույն ժամանակ դրսևորում է անհուն մի սեր առ այդ ամենը, շրջապատն ու մարդիկ:

Թվում է, թե քիչ կապ կա Եպրաքես հանմի և պատմվածքի մյուս հերոս Նորայր Կարապետյանի միջև:Մեկը անուն առ անուն գիտե իր դժգոհությունների պատճառները, մյուսը ակնարկ իսկ չի անում իր մահվան դրդապատճառի մասին:Բայց երկուսն էլ կյանքի իսկական ու մնայուն արժեքներ որոնողներ են, և երկուսն էլ դա ոչ մի կերպ չեն գտնում:

Գրողն իր հերոսուհու նկարագրում վարպետությամբ է պատկերում մորը բնորոշ մտածողությունն ու սրտացավությունը:Առաջին իսկ կռահումից, որ տրամվայում իր դիմացը հայ է նստած, նա պարզ մի անկեղծությամբ հարցնում է. <<Դու՞ն Փառանձեմի տղան չե՞ս>>, և ապա. <<...դու՞ն Մարգվանի՞ Կարապետյաններեն ես...Խասքեօյի...հարկավ՝ հայ ըլլալը քիթեղ-բերնեղ կվագե կոր,հեմեն ըսի քի մեր արյունեն ես...>>: (*Շ.Ճահնուր*, <<Պճեղ մը անուշ սիրտ>>, էջ 278): Այնուհետև ծայր տված հետաքրքրությունների շարան՝ ինչու՞ մորն իր մոտ չի բերում, ճանաչու՞մ է արդյոք իր տղաներին,քույրը ամուսնացա՞ծ է, ճանաչու՞մ է Սեն Միշելի նպարավաճառին...Այլ խոսքով, մի քանի նախադասությունների մեջ խտացնում է իր, և, ըստ իրեն, ամեն մի <<իսկական հայի>> կյանքի <<բնական>> շրջանակը:Սակայն <<Հայ ըլլալը քիթեն-բերնեն վագող>> Նորայրը չի ճանաչում և ոչ մեկին, ժամ չի գնում ու սակավախոս մեկն է:

Եպրաքես հանմի ու նրա որդիների հետաքրքրությունների զանազանությունը արդեն բնութագրում է սփյուռքի հին ու նոր սերունդների միջև առկա

տարբերությունը:Մեկը՝ խիստ ավանդապաշտ ու կայուն նիստուկացով,մյուսը՝ աղջիկների <<փեշերեն>> չգատվող:Բայց սա լոկ արտաքին տարբերությունն է: <<Քաղաքակիրթ>> աշխարհն իր հետքն է թողել ամեն ինչում: Նորայրը, ինչպես և Եպրաքսեի որդիները, արդեն <<երկայն վարտիք հագնիլը>> մեղք են նկատում, շատ հարցերում համակերպվել են ֆրանսիական օրենքներին և այլն: Ճահնուրն առաջիններից էր, սփյուռքահայ գրականություն բերեց հերոսի նոր տիպար, որն այլևս ոչ դասական բարոյականությամբ օժտված մարդ էր, ոչ էլ նահատակի սրբապատկերը կրող ազատամարտիկը(*Ա.Ավագյան, <<Պատկերազարդ պատմություն ճահան ճահնուրի>>, էջ 166*) : Կյանքի անբնական վիճակի մեջ գտնվող տարագիր մարդու ողբերգական ճակատագրի մարմնացումն է Նորայրը:Գրողը նրա տառապանքի բուն պատճառի մասին կոնկրետ բան չի ասում:Նրա ցավը ընթերցողին հասանելի է դառնում Եպրաքսե հանմի բնութագրական խոսքերի, իր որդիների շուրջ բացած խորհրդածությունների միջոցով:

Օտար կյանքը բնականորեն հունից դուրս էր մղել Նորայրին:Նա այլևս ոչ միայն չի ուզում ապրել, այլև, ինչպես գրում է Եպրաքսե հանմին հանձնված թղթում,չի կարող. <<Գիտցեք,որ Փարիզի մեջ... ոչ ոք ունիմ: Մարդ չունիմ: Ոչ ոքի սու մը պարտք ունիմ...>>: Նորայրը թեն իր նամակում <<բացատրում է>>, որ իր մահվան <<պատճառները բոլորովին անձնական են>>, սակայն փարիզյան կյանքի ակնարկումը այլ բան է հուշում: Գրողը միտումնավոր չի հստակեցրել ձևակերպումը: Կախման կետերը ասում են, որ այդ պատճառները շա՛տ-շա՛տ են՝ ծնողազուրկ վիճակ, անտարբեր միջավայր (<<...որու՞ն հոգն է...Ո՞վ որի...>>), օտարի վերաբերմունք, սոցիալական թշվառություն, հեռանկարի անորոշություն,սիրող սրտի բացակայություն, վերջապես՝ հայրենի եզերքի կարոտ: Եպրաքսե հանմի տասնյակ հարցումներին Նորայրը <<պատասխանում է>> լռությամբ:

Նորայրի մահը ընդհանրական բնույթ ունի բոլոր տառապյալ հոգիների համար: Այդ վախճանը խորհրդանշում է պետրոս-պիեռների վաղվա օրը,և այստեղ կարևոր չէ սպառման ձևը՝ ֆիզիկակա՞ն ,թե՞ բարոյական մահ:

Բնորոշ է, որ Եպրաքսե հանմը իրեն է մեղադրում Նորայրի մահվան համար.ինչպե՞ս ինքը չի հասկացել,որ նա պատրաստվում է ինքնասպան լինել:

Եպրաքսե մայրիկն ու Նորայրը օտարներ չեն միմյանց, ինչպես կարծում է պանդոկապետը: Իրենք հարազատներ, Նույն <<արիւնէն>> են, Եպրաքսեն <<Հատո՛ւնց է, որ կը ճանչնար Նորայրը: Քանի՛ կիրակիներ եկեղեցին հանդիպած էր>>: Ֆրանսիացին ոչ մի կերպ չի կարող հասկանալ նրանց կապող ուժը (չէ՞ որ ֆրանսերենում չկա <<մեր որբը>>, <<մեր մայրը>>, <<մեր կարոտը>>), և անձանոթ կնոջ սրտի մորմոքները չափազանցություն են թվում նրան:

Չնայած որ Շահնուրի պատմվածքներից մի քանիսը տխուր վերջաբան ունեն, այնուամենայնիվ, հեղինակը չի տարվում լավկանությամբ, այլ միշտ հումորի մի երակ ներկա է նրա խոսքում, որ ցրում է հոռետեսական տրամադրությունը, օգնում <<վաղվան հուսալու>>: Երբ թվում է, թե հուսահատության ու թմրության մեջ հայտնված Եպրաքսե մայրիկը Նորայրի մահվանից հետո այլևս անելիք չունի, հանկարծ սթափվում է ու <<գործունեութեան>> մղվում. <<...գնաց իր ծրարը քակեց և դուրս հանեց գորգը: Պիտի թօթուեր>>, որին հաջորդում է հաստամարմին կնոջ պատուհանից գրեթե դուրս ընկնելու զավեշտական, բայց խիստ իմաստալից տեսարանը, ինչով գրողն ուզում է ասել, որ փրկությունը <<գորգը թօթուելու>>՝ այսինքն օտարությունից մաքրվելու մեջ է ու այդ <<գորգը>> անպայման պետք է մաքրել՝ անկախ հնարավորություններից ու վտանդներից:

<<Հարալեզներուն դավաճանությունը>> պատվածքի վերնագիրը շատ ընդգրկուն է, այնքան ընդգրկուն, որ գրողը դարձրել է իր գրքի խորագիրը: Այս պատմվածքը *մենախոսություն է* հայ կյանքի արևմտահայ ու սփյուռքահայ շրջաններն ապրած մարդու դառը ճակատագրի շուրջ: Տեսիլքը, երևակայությունն ու ազգային կացության ողբալի ներկան խառնված են այստեղ, ինչը հոգու ձայն է դառնում, աղաղակ, ինքնաորոնման ու ինքնահաստատման խոսք: Պատմվածքի հերոսը ողբերգական կերպար է: Նա լքված է ամենքի կողմից և <<մահվան կը ցանկա>>, բայց ոչ երբեք հուսալիք՝ <<պիտի կանգներ իր հասակին ամբողջ շքեղութեամբը>>:

Չկա հայ երկիրը, չկան և աստվածները: Ամենքը դավաճանել են, դավաճանել են և հարալեզները: <<Ես Անահիտը չեմ>>,- պատասխանում է Համբարձումին Արամազդի դուստրը, որ բարերարն ու խնամակալն է ազգի: Բայց ցավալին այնքան այդ չէ, որքան այն ,որ դավաճանում են նաև մարդիկ: Չկա սեր միմյանց



նկատմամբ և հավատ՝ ազգային փրկության նկատմամբ. <<Դաւաճանած են Յարալեզները, եւ արարածը կը կոչուի պարզապէս մարդ>> (Էջ 197 ):

Ինչու՞ են դավաճանել հարալեզները: Այս հարցին պատասխանում են ոչ միայն նույնանուն պատմվածքը, այլև գրքի մյուս վեց գործերը: ԵՎ կարևոր չէ՝ գրողը <<մեռյալ>> քաղաքի՝ Պոլսի, թե՞ <<քաղաքակիրթ>> Փարիզի հայության կյանքն է ներկայացնում: Երկու դեպքում էլ հայությունը շարունակում է նույն թմբիկի մեջ մնալ, կառչել ուժերի, որոնք անգոր են ու իրական չեն: <<Երգրում>> հայը տանուլ էր տվել իր ֆիզիկականը, մայր հայրենիքում՝ ազգային ու հոգևոր արժեքները, սփյուռքում այդ ամենը միասին էր կորսվում: Ամենուր <<հով կայ>>, ու մարդիկ <<անհետացեր են անհիմն գրոյցներու պէս սա կողկողաձայն մութին մէջ...>> (Էջ 46): Ահաբեկված այդ մարդկանց մի ծվենն է լքված տղան՝ պատմվածքի հերոսը՝ Ատնա-ժագոն, բուն անունով՝ Ջամբարձումը: Ջանձին հերոսի ցավաշատ ճակատագրի՝ Շահնուրը ներկայացնում է հայոց կործանաշատ ճանապարհը: Մի ճանապարհ, որ անընդհատ վարընթացի ուղի է եղել, մահվան ու սպառնալիքի անվերջ ոլորան, որը տարել է ազգային ջախջախման ու հոգևության:

Ջամբարձումը <<իր արիւնտոտ արեւելքեն>> եկել է մինչև <<ծայրագոյն արեւմուտք>>, սակայն ոչինչ չի փոխվել նրա կյանքում, ամեն ինչ նույնն է. <<Ես ուզեցի քեզ գտնել այն ճամբուն վրայ, որ երեք անգամ կը բարձրանայ, հոգ չէ, թե տեղ մը չի տանիր: Եւ ահա քեզ կը գտնեմ ճամբու մը վրայ, որ թեև տեղ մը չի տանիր, բայց որ երեք անգամ կը ցածնայ>> (ընգծումը Ա.Ա., Էջ 182):

Ամենքը <<դարձեալ փոթորիկին տակ են>>, <<նորեն սպառնալիքին մօտ, միս-մինակ>>: Շուրջբոլորը մահ կա, վերացել են մարդկանց վեր պահող ուժերը: Ջամբարձումը, փնտրելով աստվածներին, հասնում է դատարկության ճամփին: Շահնուրի հերոսը թեև նահանջի վարընթացի մեջ է, նման այն հային, որի <<հույսը հալեցավ հանձնված բերդաքաղաքի հետ>> (<<Նահանջը...>>), սակայն նա փնտրում է ելման ուղիներ: <<Ես, իմ անցեալէս բարձր>> կարգախոսը նրա համար ոչ միայն ապրելու կռվան է, այլև վերջնական վճիռ: Պատմվածքն ուշագրավ է կառուցվածքային առումով: Այն ունի ներքին երեք ընդգրկումներ՝ Ջամբարձումի կյանքի հայրենական ու տարագիր շրջանները և գրողի ներկա կյանքի տվայտանքները: Չնայած պատմվածքի այս փուլայնությանը, կարմիր թելի նման անցնում է գերագույն մի միտք՝ հայության

օրհասական կացությունը և ելման ճանապարհի որոնումը, որ նշանակում է նաև ճանապարհի որոնում, քանի որ նա, ով նպատակ ունի, արդեն ճանապարհի վրա է: Պայմանով, որ այդ ճանապարհը պետք է դեպի վեր տանի:

<<Հարալեզներուն դավաճանությունը>> պատմվածքում առկա ներքին խոկումները, կերտվող տեսիլների բազմազանությունը, ոճային հարստությունները այս գործն առանձնացնում են մյուսներից: ԵՎ բոլորովին էլ պատահական չէ, որ Վ.Թեքեյանը սա պոեզիային համարժեք գործ է համարել:

## **ԵՆՐԱԿԱՏՈՒԹՅՈՒՆ**

Ճահան Ճահնուրի գրական ժառանգությունը, իհարկե, ամբողջական չի արտացոլում ժամանակաշրջանի ողջ պատկերը կամ գրական ընդգրկումները, բայց ասում ու հուշում է շատ բան: Այդ գրականությունը ոչ միայն ճանաչողական, այլև պատմական արժեք ունի և մի անփոխարինելի *վավերաթուղթ* է 20-րդ դարի մեր ազգային բարդ ու հակասական կյանքի մասին, այն հույզերի ու մտորումների, որի հանգույցներում ապրում է գաղթի ճամփաներում դեգերող մեր ժողովրդի մի հսկայական մասը, որ սփյուռք անունն

Է կրում (Ա.Ավագյան, <<Պատկերագարդ պատմությունն Շահան Շահնուրի>>, Էջ 266):

<<...Մեր համեստ, շատ համեստ ստեղծագործություններէն վեր կայ բան մը, բուն իսկ Յայ ժողովուրդը և անոր շահը>>,- գրել է Շահնուրը <<Սփյուռք>> շաբաթաթերթում:Այդ <<շահին>> գրողը զոհաբերեց ամեն ինչ՝ ժամանակ, առողջություն, համբավ՝ միշտ գտնվելով կրակի կողքին կամ կրակի մեջ: Նա եղավ ու մնաց այն <<մանուկը>>, որի սրտից, ինչպես գրել է <<Ամեն ինչ և ոչինչ>> հոդվածում, <<կը հոսի այն տաք արցունքը, որ պատճառ չի ճանչնար, և որուն պատճառը ամեն ինչ է:Որ շատ անգամ չի հոսիր,բայց որ ներսէն կերթայ արիւնի պէս>>:

Շահնուր գրողի մնայուն արժեքներից է այն, որ իր ապրած օրերի բազում փլուզումների միջից նա տեսավ պատմական ժամանակաշրջանի ամենահրատապ ու հիմնական խնդիրը՝ ազգի սպառման գահավեժ ընթացքը՝ ձուլումը, և մատնանշեց այդ անկման պատճառներից մի քանիսը, որոնք առնչվում էին սեփական թերություններին, սխալներին ու ճակատագրական վրիպումներին: Ձուլման վտանգը համարելով ամենամեծ հիմնախնդիր՝ Շահնուրը, շարունակելով Պարոնյանի որոշ մտայնություններ, ժողովրդի ապրելու հեռանկարի ուրույն դրույթներ է առաջադրում՝ մոտենալով Խորենացու, Աբովյանի, Չարենցի արտահայտած ծրագրային գաղափարներին. ապրելու ու հաղթելու համար կռվել է պետք, ընդվզել է պետք, ազգային ինքնաճանաչում է պետք, սեփական սխալներից ձերբազատում է պետք:

## **Օգտագործված գրականություն**

Ա. Ավագյան <<Պատկերագարդ պատմությունն Շահան Շահնուրի>>

Վ.Նուշանյան <<Ցայգերգ>>, <<Հայրենիք>> ամսագիր, Բոստոն, 1925, Գ տարի  
N12

Ն.Ակիշյան <<Ճահան ճահնուր. Կեանքը և գործը>>, Լոս-Անջելես, 1982, էջ 100

Ժ.Դանիելյան, Բանասիրական որոնումներ, Պեյրուզ, 1996, էջ 266